

խօսքերը. «Նե՛ղ է... նե՛ղ է... խեղդվո՛ւմ եմ»...

Երբեմն լեռնային գօտիների միաբանութիւնը խախտվում էր, բաժանվում էին միմեանցից, հեռանում էին միմեանցից եւ բաց էին անում նրա առջեւ լայն, ընդարձակ, տարածութիւն... Այդ միջոցին նրա կամայականութիւնը չափ չունէր: Ազատուելով իւր նեղ կիրճից, մի չար վիշտայի նման, անխնայ կերպով ողողում էր, յեղեղում էր իւր հարթ, կանաչագարդ ասիերը եւ կամ մի արքեցած հսկայի նման, երբեմն դէպի աջ էր թեփվում, երբեմն դէպի անհասկ էր խոտորվում...

Նա իւր ազատութիւնը խելացի կերպով վայելել չգիտէր: Յանկարծ վիթխարի թեւեւերը բաց էր անում, խլում էր ցամաքից մի կտոր հող եւ, ննջելով իւր գով գրկի մէջ, կզգիացրնում էր նրան: Առժամանակ երեխայական սիրելութեամբ սկսում էր փայփայել եւ խնամել իւր խաղալիքը: Կզգին անում էր... անում էին թուփերը, վառվում էին ծաղիկները: Երկնքի թռչունը հիւսում էր այնտեղ իւր բոցը, վայրի անասունը սնուցանում էր այնտեղ իւր ձագուկներին: Կզգին ներկայացնում էր մի գեղեցիկ փունջ, որով գուարնանում էր նա եւ, պննասէր երիտասարդի նման, զարդարում էր իւր հպարտ կուրծքը: Բայց յանկարծ կարծես ձանձրանում էր նա, ալիքները փրփրալով բարձրանում էին, կոհակները կատաղաբար մոնչում էին եւ մի քանի րոպէի մէջ կլանում էին գեղեցիկ զարդը եւ նրա հետքը անգամ չէր երեւում:

Հայոց գետերի թագաւորը վարվում էր իւր յօրինած կզգիների հետ նոյն կերպով, որպէս Հայոց երկրի թագաւորը վարվում էր իւր մէջ կզգիացած նախարարութիւնների հետ... Երբ խորամանկ պարսիկը եւ նեմգաւոր հռովմայեցին երկու լեռնային գօտիների նման միաբանուելով ննջում էին նրան, այդ միջոցին նրա ունիւնը ու բոլորքը սահման չունէր: Իւր բոլոր կատաղութիւնը գործ էր դնում ազատուելու նրանց ննջումից: Իսկ երբ երկու դաշնակիցները քանդում էին իրանց միաբանութիւնը, բաժանվում էին եւ նա ազատութիւն էր ստանում, — այդ միջոցին սկսում էր գրադուել ներքին երկպառակութիւններով: Ամենայն անգր-

բութեամբ ոչնչացնում էր իւր մէջ ամփոփուած նախարարութիւնները, որպէս հրէշաւոր Արաբսը լափում, կլանում էր իւր մէջ սեղմուած կզգիները»:

*Եւ ահա այդ կզգիներից մէկը — «Իշխանաց կզգին» — հողմի տանն.*

«Կարմիր քամին խելագարի նման մոնչում էր, փոքորկվում էր, բարձրացնելով օդի մէջ թանձր աւազախտոն փոշի: Մրրկածուփ հորիզոնը պատած էր մոյգ-աղիւսագոյն մաշյով, որ մթնեցնում էր արեւի երեկոյեան նաւագայթները: Քամու ուժգին հոսանքի ներքոյ՝ դալար թուփերը, փշալի մացառները հեծելով, հառաչելով, կաչում էին գետնին եւ դարձեալ վեր էին բարձրացնում իրանց հողմակոծ գլուխները: Մուրումած, շփոթուած ծտերը հակառակ իրանց կամքի, տարվում էին օդի մէջ, որպէս բամբակի փոքրիկ պատառներ: Մրաքը ունի բազէն անգամ իւր ուժեղ թեւերով դրժուարանում էր ընդդիմադրել գայրացած տարրի կատաղի ալիքներին: Մրրիկը հետզհետէ սաստկանում էր, մարդ եւ անասուն, սողուն եւ թռչուն թագչելու տեղ էին որոնում: Այդ միջոցին զարմացած Արաբսը խորին վրդովմունքով դուրս էր յարձակվում իւր ասիերից տեսնելու, թէ ի՞նչ արհաւիրք է կատարվում իւր շուրջը: «Իշխանաց կզգին» դողում էր, սարսափում էր ամենի կոհակներից, որ ամէն րոպէ պատրաստ էին կլանելու եւ անհետացրնելու նրան»...

*Հայոց բնութիւնը իր բիւրաւոր գաղտնիքներով, իր առեղծուածային վեհութեամբ կախարդել է վիպասանին եւ նա մի տեսակ կրօնական երկիւղածութեամբ, պաշտամունքի զգացումով թափառել է ամենուրեք, դիտել է ամենուրեք, սահմանէն ասղին եւ անղին, ուշի ուշով ուսումնասիրել է լեռներն ու ձորերը, անանջանելի կիրճերը, հայոց դաժան ձմեռը, խորհրդաւոր գիշերները, փոթորիկը, կարաւանները լեռնակուտակ ձիւներու մէջ, — այլ եւ հայկական գարունը, հայոց վեհափառ արեւը, իր դիւթիչ արշալոյսներով ու վերջալոյսով, կանաչագարդ եւ գեղածիժաղ դաշտերը... Քանի՛ ջանի անգամ իր առեւտրական կամ ուխտաւորական թափօրներու ընթացքին, իր հիւանդոտ աչքերով, խորունկ հոգեզմայլու-*